



ზურაბ ლიპარტია - 65

რუსუდან ქუთათელაძე

სტუ ბიზნესის ინჟინერინგის
ფაკულტეტის დეკანი, ემდ, სრული პროფესორი

ევგენი ბარათაშვილი

სტუ ბიზნესის ინჟინერინგის ფაკულტეტის
ეკონომიკისა და ბიზნესის მართვის
დეპარტამენტის ხელმძღვანელი, ემდ, სრული პროფესორი

კარლო ლურნკაია

სტუ ბიზნესის ინჟინერინგის ფაკულტეტის
ეკონომიკისა და ბიზნესის მართვის
დეპარტამენტის საბაკალავრო პროგრამების
ხელმძღვანელი, ემდ, სრული პროფესორი

გიორგი ცაავა

ემდ, სტუ ბიზნესის ინჟინერინგის ფაკულტეტის
საბანკო ტექნოლოგიების მართვის
დეპარტამენტის სრული პროფესორი

რევაზ შენგელია

საერთაშორისო რეცენზირებადი და
რეფერირებადი სამეცნიერო ჟურნალ „ეკონომიკის“
მთავარი რედაქტორი, ემდ, პროფესორი

პროფესორი ზურაბ ლიპარტია დაიბადა 1947 წელს ს. რუხ-ში (ზუგდიდის რ.). 1964 წელს წარმატებით დაამთავრა საშუალო სკოლა, 1966 წელს ნიკო ნიკოლაძის სახელობის დიდი ჯიხაიშის (სამტრედიის რაიონის) ტექნიკური ბუღალტერ-მგებმავის კვალიფიკაციით, 1972 წელს კი ქ. ლენინგრადის (ამჟამად სანქტ-პეტერბურგის) სატყეო-ტექნიკური აკადემია ინჟინერ-ეკონომისტის კვალიფიკაციით.

ბატონ ზურაბ ლიპარტიას დაცული აქვს **საკანდიდატო (1993) და სადოქტორო დისერტაციები(1999)**, ქ. სანკტ-პეტერბურგის ეკონომიკისა და ფინანსების სახელმწიფო უნივერსიტეტში.

1972-73 წლებში მუშაობდა ქ. ლენინგრადის საკავშირო ცელულოზა-ქაღალდის მრეწველობის სამეცნიერო-საწარმოო ინსტიტუტის მართვის ლაბორატორიის უფროსი ინჟინრის თანამდებობაზე, სადაც გახდა ეკონომიკის სამეცნიერო ხარისხის მაძიებელი.

1973-1987 წლებში გვევლინება საკავშირო ენერგეტიკისა და ელექტროფიკაციის სამინისტროს საქართველოს „ენგურჰესმშენი“-ს სამრეწველო საწარმოთა გაერთიანების გენერალური დირექტორის მოადგილე ეკონომიკის დარგში. მუშაობის პერიოდში გამოვლინდა მისი პროფესიული და კომპეტენტური საქმიანობის მაღალი უნარი. მაღალი კვალიფიკაციისა და პრაქტიკული გამოცდილების მქონე ეკონომისტი ზურაბ ლიპარტია 1987 წლის სექტემბრიდან დღემდე **სოხუმის სახელმწიფო უნივერსიტეტის** ეკონომიკისა და ბიზნესის ფაკულტეტზე სამეცნიერო-პედაგოგიურ მოღვაწეობას წარმატებით ახორციელებს, სადაც განვლო გზა მეცნიერ-მუშაკიდან სრული პროფესორის აკადემიურ თანამდებობამდე „ბუღალტრული აღრიცხვისა და აუდიტის“, „ფინანსებისა და საბანკო საქმის“ მიმართულებით. არის ფაკულტეტის მაგისტრატურისა და დოქტორანტურის პროგრამების კოორდინატორი.

ბატონი ზურაბი, საკუთარ ქვეყანაში **იძულებით გადაადგილებული პირის** მძიმე სტატუსის მატარებელი, სხვადასხვა პერიოდში, აქტიური შეთავსებით სამეცნიერო-პედაგოგიურ საქმიანობას ანხორციელებს **საქართველოს ტექნიკურ უნივერსიტეტში** 1998 წლიდან დღემდე დოცენტის, პროფესორის თანამდებობაზე, ხოლო 2009 წლიდან დღემდე მონვეული სრული პროფესორის თანამდებობა უკავია სტუ-ს ბიზნეს-ინჟინერინგის ფაკულტეტზე, არის ბიზნესის ადმინისტრირების საგანმანათლებლო პროგრამის „საბუღალტრო აღრიცხვის მოდულის“ ხელმძღვანელი.

სრული პროფესორი ზურაბ ლიპარტია 2007-2012წწ. პარალელურად აქტიურ სამეცნიერო-პედაგოგიურ საქმიანობას წარმატებით ანხორციელებდა ახალციხის სახელმწიფო-სასწავლო უნივერსიტეტში (ყოფილი სსიპ- ახალციხის ინსტიტუტი), სადაც ბიზნესის

ადმინისტრირების ფაკულტეტზე ხელმძღვანელობდა „აღრიცხვა, კონტროლისა და აუდიტის მენეჯმენტის“ **სამაგისტრო** და „საფინანსო, საბანკო და სადაზღვევო საქმის“ საბაკალავრო პროგრამებს.

ბატონი ზურაბი, სამეცნიერო-პედაგოგიურ საქმიანობასთან ერთად აქტიურ სამეწარმეო-ეკონომიკურ საქმიანობას ეწევა. 1997-2008 წლებში მოპოვებული აქვს „აუდიტისა“ და „პროფესიონალი ბუღალტრის“ - საერთაშორისო სერტიფიკატები.

საქართველოს ეკონომიკურ მეცნიერებათა აკადემიის ნამდვილი წევრი და აფხაზეთის ავტონომიური რესპუბლიკის მეცნიერებათა ეროვნული აკადემიის ნამდვილი წევრი - **აკადემიკოსი ზურაბ ლიპარტია** სამეცნიერო-კვლევით საქმიანობას წარმართავს: ა) საქართველოს რეგიონების სოციალურ-ეკონომიკური სამომავლო განვითარების გზების (პრიორიტეტების) გამოვლენა-პროგნოზირებისა და ბ) ეროვნული აღრიცხვა-ანგარიშმანობისა და აუდიტის (კონტროლის) სისტემის საერთაშორისო სტანდარტების ინტერპრეტაციებისა და კორპორაციის (საწარმოს) ფინანსური მენეჯმენტის სრულყოფის სტრატეგიების შემუშავების მეთოდურ-პრაქტიკული სახელმძღვანელოების გამოსაცემად.

ბატონი ზურაბი არის დოქტორის აკადემიური ხარისხის მიმნიჭებელი რამოდენიმე **სადისერტაციო საბჭოს წევრი**, მისი ხელმძღვანელობით წარმატებით დაცული იქნა 5 სადოქტორო დისერტაცია ეკონომიკისა და ბიზნესის ადმინისტრირების დოქტორის აკადემიური ხარისხის მინიჭებით. იყო 12 სადოქტორო დისერტაციო ნაშრომის რეცენზენტი (ოპონენტი). ასევე მისი ხელმძღვანელობით ბიზნესის ადმინისტრირების სპეციალობების: ფინანსებისა და აღრიცხვა-აუდიტის მენეჯმენტის მიმართულებით მომზადდა 32 მაგისტრი (მათ შორის, 12- ახალციხის სახელმწიფო სასწავლო უნივერსიტეტში), რომლებიც დასაქმებულნი არიან საქართველოს სხვადასხვა საფინანსო-საკონტროლო სფეროებში.

პროფესორ ზურაბ ლიპარტიას მისი **სამეცნიერო-პედაგოგიური მოღვაწეობის 25 წლიანი** პერიოდის განმავლობაში 100-ზე მეტი სამეცნიერო ნაშრომი აქვს გამოქვეყნებული მშობლიურ და რუსულ ენებზე. მათ შორის: 3 მონოგრაფია, 12 სახელმძღვანელო (7

თანავტორობით), კერძოდ: „ფირმის ეკონომიკა და ბიზნესგეგმა“ (1995), „აუდიტის საფუძვლები“ (1997), „სტრატეგიული დაგეგმვა“ (1998), „ეკონომიკური ანალიზი“-2 წიგნად (2003, 2007 წწ.), „ფინანსური მენეჯმენტი“ (2006), „კორპორაციული ფინანსების მართვა“ (2009, 2012), „საბუღალტრო საქმე“ ტ. 1 (2008, 2010), „მმართველობითი აღრიცხვა და შიდა კონტროლი“ (2011), „ფინანსური კონტროლი“ (2012) და სხვა.

პროფესორ ზურაბ ლიპარტიას სამეცნიერო **რედაქტორობით** და **რეცენზირებით** გამოცემულია აღრიცხვა-აუდიტის და ფინანსების მიმართულებით რამოდენიმე სახელმძღვანელო და მეთოდური ლიტერატურა.

სრული პროფესორი ზურაბ ლიპარტია არის რამოდენიმე სამეცნიერო შრომების კრებული საგამომცემლო-სარედაქციო საბჭოს წევრი, საერთაშორისო რეფერირებადი და რეცენზირებადი ჟურნალების: „ეკონომიკა“; „სოციალური ეკონომიკა-XXI საუკუნის პრობლემები“; „ბუღალტრული აღრიცხვა“; „გადასახადები“-ს სარედაქციო კოლეგიის წევრი.

ბატონი ზურაბი იუბილარია, 65 წელიწადი მძიმე შრომაში, ძიებისა და შემოქმედებით ბრძოლაში აქვს გატარებული. თავს ბედნიერად თვლის, ჰყავს მეუღლე, შვილები, მრავალგზის ბაბუაც არის და თავისი მოკრძალებული წვლილი შეაქვს ქვეყნის ერთიანობისა და ეკონომიკური განვითარებისათვის ბრძოლაში, სანუკვარი ოცნების, მშობლიურ აფხაზეთში ღირსეულად დაბრუნების აღსასრულებლად.

ვულოცავთ ბატონ ზურაბ ლიპარტიას დაბადების **65 წლის** თავსა და სამეცნიერო-პედაგოგიური მოღვაწეობის **25 წლის** იუბილეს, ვუსურვებთ ღვაწლმოსილ მეცნიერსა და საზოგადო მოღვაწეს ჯანის სიმრთელეს, ოჯახურ ბედნიერებას, წარმატებებს სამეცნიერო-პედაგოგიურ საქმიანობაში და გამთლიანებულ საქართველოში ხანგრძლივ ცხოვრებას.